

四庫全書

集部

欽定四庫全書

石倉歷代詩選卷三百七

明 曹學佺 編

明詩初集二十七

李勝原

山行

逕入雲深處
行行日欲斜
山環六七里
溪遶兩三家
隔竹聞飛瀑
隨風看落花
村翁偶相值
且與詰桑麻

望黃山

望中何處是黃山山色空濛紫翠間六六奇峯開海島
重重彩霧擁仙闕雨腥洞口龍應出月玲松梢鶴未還
我欲乘風凌絕頂軒轅雲駕直須攀

過郭公嶺題山店壁

時戊戌年二十三同方林諸公訪胡元帥

薄暮風前暑氣收扶筇嶺上縱吟眸一團林麓雲深處
三兩人家山盡頭無酒可沽酬舊識有詩聊寫記曾遊
丈夫未必輕年少寶劍龍光射斗牛

湖口渡江過江州

曉衝湖口發殘月五更前勒馬問寒戍隔江呼渡船劒
鋒淬淮水旗影壯山川祖逖應如是吾心亦慨然

晚上江州

去去潯陽江水長望中風物轉堪傷玉樓金屋成荒土
古木寒鴉空夕陽城市高低三十里人家興廢幾多場
英雄草昧爪分處大業終歸是聖皇

過石儿嶺莊舍漫書

少年意氣本豪雄
望望雲霄第幾重
身計獨憐長在客
世情何似早歸農
一犁新雨春耕足
半醉香醪逸興濃
寄語諸公秋有望
黃雞白酒記相逢

九日偕楊大使張河泊李通判黨縣尹諸公宴
飲漫述短篇

誰家老圃饒秋色
青蘿重陽不堪摘
淵明何不早辭歸
把酒花前還約客
菊花須早開客來
且與相徘徊
風枝露蘿各生態
不妨日日供樽罍
諸君意氣自豪放

一詠一觴足吟賞揮毫宵讓謫仙才舉杯不盡劉伶量
君不見牛山之泣情何傷龍山帽落興何狂臺前戲馬
亦豪傑登高囊佩茱萸香嗟我年年長在客淮水淮山
浮梗迹故園三徑已荒涼如此良辰莫虛擲

登浙源嶺半山庵

萬山更深處云是浙之源山半庵初結林間霧欲昏清
泉流石壁野犬吠柴門偶爾得佳句呼僮問酒樽

過羊二橋

突兀此溪亭伊誰博濟心野禽時送語綠樹晝交陰流
水有深淺青山無古今我來成小憩秋氣淨煩襟

涇縣白花橋鋪候呂景初

梨花飛雪柳飛綿風日晴和三月天滿眼溪山饒逸興
一村桑柘帶朝烟吹醒旅夢誰家笛噪落夕陽何處蟬
邈矣鍾期無覓處素琴張壁未須弦

寶應即景

宿鷺眠鷗水滿田敗荷疎柳雨晴天帘招村市誰家酒

風送帆檣何處船隔岸數聲牛背笛斜陽一抹渡頭烟
滄洲風景那須畫著我居閒樂事便

客中遣興

薰風初動日初長紅蹙榴花出短牆舊識不來情思懶
比窗高枕臥羲皇

九月十五夜月蝕

時寓淮安

萬里淵澄見斗參官城禁鼓二更深一輪蟾魄摩妖氣
半夜金精犯太陰風露有聲秋耿耿山河無影暗沉沉

凭欄何處孤吟客亟欲圓回補缺心

覓竹

為愛君家千箇竹吾廬欲致兩三竿不栽也恐令人俗
多覓何妨著地寬未擬叢中留鳳宿且看根下有龍蟠
願分風月歸吟韻共結堅盟到歲寒

白燕

年年春社渡江津變化烏衣國裏身畫棟營巢情有訴
緇衣換白淨無塵街泥立幕雙環玉掠水穿花一剪銀

莫是舊時王謝宅閒披縞素不驚人

睡燕

新壘營成得所依羽翰嬌嬾傍簾幃閒思渡海兼天遠
夢想銜泥帶雨歸宿去巢中隨蝶化覺來花外引雛飛
臨風試聽呢喃語似向東君說是非

送淮安刺史乃弟歸

十里長亭聽馬嘶送君把酒過河堤離心遠逐東淮水
為報平安到隴西

過湖西失水道有作寄沈孟剛

扁舟一棹過湖西蘆葦叢深去路迷劉阮天台更何處
重來難覓舊桃溪

平湖遠掛一帆風烟水茫茫入望中水道忽迷天又晚
蘆花深處問漁翁

雜詠

折得野棠花半開媚人顏色傍樽罍東風瞰我燈前醉
又送啼鵑雨後來

書田家壁

四顧溪山景物嘉
歡同野老話桑麻
數聲雞犬白雲塢
半畝池塘青草蛙
官稅早償農力足
茅簷低逐竹籬斜
我來應作田園主
宛是柴桑處士家

過龍門灘同元帥叔至應天府

浪拍龍門亂石灘
滿篷風雨聽潺湲
東迎麻口一村水
西望涇陽數點山
千古詩名留白下
半生心事損朱顏
短吟寄語巖棲士
莫道功名只等閒

采石

夜深風靜水無波獨立江頭且浩歌買酒放懷人醉後
滿船無奈月明何袁宏泊渚名猶在溫嶠燃犀恨已多
明日江頭掛帆去興來重淬劒鋒多

壬子春同方虎輕過桃嶺次韻

繫馬山前嶮欲攀山深忽聽水潺湲烟霞掩映層巒外
樓閣參差古樹間仙境已知塵世隔俗人不到洞門閒
我來駐屐仍畱句驚起潛龍湧出闕

題旌德三溪驛舍

十里長亭路行行
驄馬嘶桑麻
蔽平野潦水漲前溪一
曲晚蟬噪數聲山鳥啼
公行從此過得興自吟題

濟南午日同郭稼郎遊龍洞二首

駐馬探龍洞崎嶇石路分數家
新草舍十里舊烟村更
有東山屐須開北海樽
神仙此佳境何必問桃源

其二

今日端陽作勝遊
行馬上縱吟眸
幾層古塔崖高處

一窟清泉山盡頭龍去洞寒雲氣濕客來風靜鳥聲幽
石邊滿把蒲觴泛頓覺滿懷無限秋

魯港

一日風帆駕雪濤晚來牽纜此江舉遠山雲外橫千里
新水船頭長半篙鷗鳥驚飛前渚去烏鵲又向隔林號
倚篷酒醒寒相逼喚起山童整敝袍

鶴珠潭

鶴珠潭深水澄碧下有層瀾幾千尺泥沙安得蛟龍蟠

雲日時看魚鳥閒茅屋人家水西曲門前綠草眠黃犢
好風宵便掛征帆陵山載酒遊仙巖

涇縣即事

古木荒碑對縣門數家烟火自黃昏河流故遠山邊市
驛路斜通郭外村烟雨園林梅結子春風離落竹生孫
愁看市井蕭條甚喪亂曾經幾戍屯

龍灣江口作

滚滚紅塵兩鬢班經年為客滯江關夢馳鄉井今歸去

恨逐江雲幾徃還野色帶烟迷雁渚櫓聲搖月出龍灣
一樽自酌堪消遣回首揚州數點山

題馮進士養質山水畫

青山疊疊靜當戶長松挺挺凌烟雨數椽茅屋竹樹間
中有高人抱幽趣翠巖丹壑深幾重水遶人家隔秋浦
石巖突兀不可攀茫茫遠水難為渡瑤草琪花滿澗阿
彩霞瑞靄開林塢山中採藥人未還夭桃纓李迷歸路
馮若抱負經濟才綠袍新著登天府奈何亦有丘壑情

持茲圖繪索余句披圖便覺逸思飄往
苒巾袍襲烟霧山明水秀有如此恨不攜家此中住

壬午至家除夕作

歲除燈火夜紛譁湖海歸來兩鬢華舊日題詩何遜宅
今年守歲阿戎家梅花與我老來壯椒頌驚人興自賒
羅拜諸孫如竹立笙歌簇擁醉流霞

石倉歷代詩選卷三百七

欽定四庫全書

石倉歷代詩選卷三百八

明 曹學佺 編

明詩初集二十八

王鈍

題襄縣張醫人所藏續弦圖

伊人在空谷灑落非塵襟寫懷無俗物手摩嶧陽琴況有芝蘭客賞茲山水音松風起坐隅寒泉瀉遙岑巒絲

忽斷絕愴彼聽者心安得驚膠續一洗桑間吟

偶書

客從蜀道來
逼仄連雲步
棧高天與齊
復值悲風暮
心旌屢動搖
毛髮森然豎
彷徨無所之
顛沛同朝露
辛苦安平地
居誓不出庭戶
如何好事人
強迫風濤路
見者笑無知
行者非不懼
居易以俟命
行藏安所遇

秋江釣隱圖

紅葉照青山
空江淨如練
危礀繞寒水
釣客乃時彥
風

吹布褐單露滴竿頭線魚肥食亦美淡然無所羨塵鞅
幸不羈何慮身名賤回首顧茅簷妻孥日相見就中有
真樂風波看欲遍白鷺與沙鷗慎莫非熊薦

過嚴陵臺

先生漢隱者志不事王侯炎劉甫中興絕蹟依巢由一
竿釣烟雨淡然披羊裘物色時見訪意尚山水留客星
動薇垣於焉近宸旒帝欲與共治張目無所酬浩然拂
袖歸笑撫桐江流吁微包荒量苦節何能周高臺倚雲

漢無復綸與釣清風久不磨漢德同悠悠我適過其下
寫此舒離憂

寫懷

嗟予蓬梗身居竈無黔突道路行難盡山水看來熟回
首望白雲老淚空盈目閨闥告在邇日遠黃茅屋母衰
難就養子幼未撫育浩然天壤間何以慰幽獨乾坤會
清寧奇材秉鈞軸於焉返衡門歸耕乃吾福

過錢清驛詢其故乃漢會稽太守劉寵棄錢之

所也

錢清題驛額徃事人未忘昔云劉會稽為政循且良山
村犬不吠境土樂耕桑瓜代期不去士民徒傍徨欲留
留未得錢別別可傷慇懃舉槃實而乃具孔方嗟彼田
舍翁心誠禮未當賢哉劉會稽遇之何周詳不矯亦不
激義氣若春陽怡然選其最謝去投滄浪水以錢愈清
錢以水亦彰寥寥千載下孰不誦遺芳傳舍竝坦途輶
車走周行好詢錢清故刻骨銘肝腸異時任司牧宵染

銅臭殃

唐人牧馬圖

免鬚香染松烟濕腕底龍媒驚霹靂雲箋半幅秋水橫
霜蹄曉踏榮波立圉人持筆唐衣冠恍疑毛仲臨雕鞍
當時駿骨豈易得遺形獨賴曹與韓我今按圖嘆奇絕
真如目覩雙驥駛憶昔吳門疋練過光芒閃爍明於雪
夫何路險鹽車隨伯樂不遇知者誰又思燕臺有高價
郭隗一去無良媒華陽春雨生芳草水暖沙平渾不擾

此圖此景着意深冀北凡羣愁欲老

胡琴行

館陶巡簡鄂州客煮酒烹羊留悅懌席前白髮老人
手操胡琴聲裂帛初如巖溜響秋風又若林鶯調曉舌
嚶嚶咿咿離鸞鳴切切嘈嘈丹鳳別座中萬壑松濤生
鶴夢驚迴山月白憶昔戎王馬上彈紫塞風寒霜草折
旃廬再鼓明姬愁黑河水淺波聲咽流落中原今幾年
北鄙宮商猶未絕高山流水更無聞別恨離情轉悲切

我胸磊落雖難平自許肝腸如削鐵肯為兒女生悲酸淚
痕輕漬青衫血君不見江州司馬好襟懷至今恨壓潯
陽月

益陽道中

山行將半載兩過益陽軍廢宅消兵燹荒田照夕曛馬
衝松嶺霧鳥動竹溪雲心為陶甄迫寒泉耳倦聞

至平泉

為愛平泉景依稀類午芹龍祠新壯觀孔廟舊遺文村

舍魚鱗次山泉燕尾分獨憐崖畔栢晚翠礙行雲

蒙毫道中

半生空落魄千里幾迷遭有夢莊周蝶無緣老子仙草
花開齊雪野樹鬱晴烟風景鄉關近母勞聽杜鵑

太康道中

城郭千年舊村墟百戰餘客途迷草徑民舍結茅廬野
燒驚文雉河冰帶錦魚莫輕傷往事空惹淚沾裾

丙寅春三月至皂林驛晨霜如雪

江南三月半草際尚鋪霜料峭人猶怯乖違事可傷春
風虛館舍冬月舊衣裳總是調元責何勞問彼蒼

過蘇州無錫

溪橋渾甃石野渡盡橫船旅驛三吳會人家一輞川春
潮隨急雨晚樹淡輕烟莫說江南好翻愁聽杜鵑

彭澤憶古

五柳今何在孤城夕照間折腰羞為米矯首賦歸山出
岫閒雲懶投林倦鳥還歲寒籬下菊猶有傲霜顏

正旦與同寅遊虎跑寺

聯轡出城西山光水色低客懷高鳥過人跡亂雲迷綠
樹藏僧寺蒼苔印馬蹄歸來頭上雨催句路成泥

安化山行二首

萬山高處雨聲寒倦客天涯興亡闌地隔湖湘書故遠
雲連巴蜀道應難曾悲夜月青衫濕又怯秋風白苧單
松菊成荒歸未得病軀深悔誤儒冠

山行苦厭路橫斜歷偏湖湘未到家雨腳傍人雲礙馬

樹根成磴地蟠蛇老添鬢髮莖莖雪秋染楓林樹樹霞
陟屺望來空淚眼雁書何日到天涯

過湘潭

短棹輕蓑汎汎舟滿江烟雨雪初收天旋岸轉疑行馬
心曠神閒愧野鷗雲抹山腰凝暮靄浪添沙觜漾春流
不知何處歸帆急遠掛瀟湘一段愁

臘月二十五日食竹筍菜薹因以記之

可怪湖南氣候偏隆冬草木綠參天菜花開偏江頭圓

竹戶穿通嶺外田空谷烏啼無雪積清流魚躍少冰堅
當時孝子稱王孟難顯啼寒臥凍賢

寧鄉夜雪

雪敲庭竹韻蕭蕭衾鐵生寒轉寂寥蜀道難行山更險
鄉關無信地應遙旅懷渾似鳥驚月世事還如鹿覆蕉
莫把青銅臨曉看朱顏今夜半成凋

雪中憶舊歲

匝地彤雲玉屑霏園林無處不芳菲逋仙興在梅花老

謝女才高柳絮飛
山市冷迷樵子徑
江村寒壓釣翁磯
却思去歲文園醉
半夜醒來尚着衣

雪中作

凍結冰壺一樣奇
銀河冰剪玉花飛
山中自是迷樵徑
水際應難認釣磯
道路有塵俱皎潔
園林無樹不芳菲
騎驢且莫尋梅看
醉臥村翁正掩扉

密縣令號葦巢

結葦棲身太古淳
華堂幾見海飛塵
笑攜琴鶴為良友

擬卜雲松作近鄰白露慣經霜葉老秋風難破屋茅貧
芳馨自可同蘭室舒卷從來別有春

迴大名黃金堤

黃金堤上柳如烟中有人家屋數椽牛犢放將春暮草
兒童耕偏雨晴田落花流水非塵迹舞燕啼鶯若洞天
此處更無官府擾也應劉阮悵求仙

過直沽

直沽東望海茫茫北運當年億萬糧吳地廣收新穧穫

燕雲難護舊帆檣
潮生海月人烟靜
浪捲秋風水氣涼
葦屋野人垂淚說
雕梁畫棟久成荒

過武夷山

清江碧嶂武夷山
快我平生愛慕間
始信神仙真窟宅
恍疑猿鶴有鄉關
光生丹井烟霞重
雨過虹橋翠黛閒
却笑藍輿遠遊客
偷尋泉石慰衰顏

神光寺

山上祇園小市廛
最竒城郭遼林泉
天開圖畫三十界

海刦桑田幾萬年老觀雲嵒留虎臥定光雷石起龍眠
獨憐有髮僧何異無計來參面壁禪

元日烏撒

二十三年洪武春自憐常作遠遊人椒觴阻薦萱堂酒
劍佩空霑驛路塵萬里雲南新報捷千場塞北舊傷神
綿綿烏撒青山外笑煞華筵慶壽賓

過趙州

兵後人家住近屯數椽茆屋不成村開渠旋引山頭水

編竹常修舍外門 烟火比鄰新聚樂
干戈遍地舊傷魂 太平有象今伊始
好學堯民答聖恩

雲居菴

三茅觀右闢禪居脩竹長 松畫不如佛閣倚天塵
世少僧窗留月鏡臺虛淡烟翠靄無還有蒼狗浮雲捲復舒
却笑無心來出岫為尋真境藉肩輿

中秋不見月

白苧衫輕不耐涼 滿庭踈雨月無光
山河影沒秋纔半

鼓角聲寒夜未央丹藥杵閒玄兔歇桂花香靄素娥藏
乘槎便欲浮銀渚乞取清輝照四方

題戒上人萬松巢

萬箇長松障俗緣歲寒貞節要同堅裁雲補衲山餘磬
留鶴為賓月在天眼底雪霜空似玉耳邊琴瑟本無弦
莫教風送江濤急只恐聲繁聒老禪

延平道中

紅紅白白滿山花萬品爭春亦可嗟我欲問名渾不曉

方知生意浩無涯

題畫三首

水色山光別樣天
人家籬落小
溪邊無由攜杖尋春去
漫著衰翁憶峒川

數椽茅屋傍重山
水流桃花隔世間
溪上有人方待渡
柳陰那許小舟閒

古木千章屋數椽
此君顏色最宜憐
怡情不獨琴書事
隔斷紅塵有翠烟



石倉歷代詩選卷三百八

欽定四庫全書

集部

石倉歷代詩選卷三百九十三至

詳校官庶吉士臣龍廷槐

侍讀臣孫球覆勘

總校官進士臣朱鈴

校對官中書臣范來宗

謄錄監生臣彭全典

欽定四庫全書

石倉歷代詩選卷一百九

明 曹學佺 編

明詩初集二十九

王行

鄭禧之松林才子圖

橫空微霞淡初卷
一片蒼雲隔層巒
遠壑清風拂樹來
烟鬢捎捎櫻如剪
蹇驢隨意歷山岡
此景此情應兩忘

忽驚啼鳥翠微裏催我佳句投奚囊人生樂事知多少
獨有吟情超世表為瀉詞源渴盡圖晴壁高堂楚山曉

寄綺川故人

雲木翳長夏閒齋有餘思繙彼湖上山日夕生妍姿佳
約既已屢歡遊阻前期芳條含晚榮碧草餘舊滋終當
遂良覩賦詠高秋時

寄題聚碧軒

喜遂投閒意開軒對竹林高空蒼雪墮永夏綠雲深縹

帙涵晴色湘簾駐晚陰須知子猷興千載一虛心

題聽松卷

長松知幾樹樹著清風飛雨夜初急怒濤秋更雄醉
歸山月裏高臥石樓中那復釣天夢知音自不窮

寄題遠山樓

漾水迢迢遠空當樓歷歷遙峯高捲湘簾獨坐烟中幾
朵芙蓉

烟楚蒼茫際曉霜空浩蕩凝秋何限江山遠意披襟獨

倚層樓

酬韓蒙庵巾箋之惠紓遲有愧情見乎詞

永夏倦炎燠頹陽劇朝曬旣彼鬱鬱懷益此靡靡煩旋
當歲華晏凝陰霜霰繁栗烈不可任乃復思晴暄寒暑
互侵虛弱質詎長存故人念衰朽交情彌見敦輕箋貽
夏涼重巾致冬溫溫涼適其宜安我旦與昏斯惠良匪
薄胡能答瑤琨東風入林廬春事看已殷羣彙紛自暢
新泉生故源時物諒足娛高居况丘園爰忻慰遲暮相

從詠道言

次韻沈學庵閒居雜興

樹影覺秋疎山光映晚除
溪毛和雨薦石髮任風梳
艾翁餘篆芸暉架有書呼兒具毫楮應欲賦閒居

題子昂歸去來詞

虛館坐清曉高秋零露時佳菊秀可餐寒葩含晚滋芳
馨發孤思寫此歸來詞餘興猶未已玄玉生瓊枝孰謂
公子懷不與幽人期撫卷三嘆息繫年非義熙

題畫二絕

濃翠幕晴巒春山古寺閒鳥啼花落處曾共扣禪關
晚岫含殘日寒波蕩遠空層闌人獨倚秋思渺無窮

畫二首

高館踈簾晚乍開讀書聲裏故人來山中本自無塵土
催得家童掃綠苔

雨後飛泉下碧湍長松脩竹草堂寒無人解識高人意
溪上青山獨自看

次韻張伯純見寄

一從高跡隱林坰
城郭登臨不共行
流水高山誰得解
暮雲春樹幾多情
平湖遠漢空明裏
落日羣峰紫翠橫
已喜芳鄰近相接
好懷那惜向君傾

讀書齋

閒齋寂無營忘我外
馳意韋編在燕几
芳席藹蘭氣疑
疑庭草深沄沄澗水駛
永坐絃我詩清風自南至

雪夜西灣訪友道中即事

山中風雪下三日日出未消溪上寒行路不辭穿窈窕
人家何處有琅玕初春草色緣沙見數樹梅花隔水看
世景欲摹難潔墨祇將粉筆寫林巒

虎丘春霽圖

羣巘抱西郭一峯出平田孤秀凌太清旁絕絡與聯古
迹遍林谷千將閟重泉割開千尺巖下見清泠淵翠壁
絢霞彩葩辭詠前賢于時屬青春霽色明高天鳴鳥亦
已和衆卉紛自妍夙駕爰此遊襟懷遂悠然豈曰事賞

心觀俗古所傳來年蔽丘壠饁耕滿疇阡樂土有若茲
勤政復勉旃願同擊壤氓熙熙度餘年

為王立方題雪峰孤眺圖

層空飛雪夜漫漫獨倚危闌向晚看縱使萬山同一色
不妨孤嶂出高寒

江館有懷王為善

江館坐閒夕客懷聊自寬思君不可道清夢若為安露
氣寒花馥霜華晚葉丹葱葱好城郭延首向西看

雪航

大野饒積雪溪山同混茫軒窓時眺望虛邃若舟航曉
霽浮玉色夜寒流月光陰山餘興在吟詠不能忘

水雲居

秋水春雲萬里空酒壺書卷一孤蓬多情最是閒鷗鷺
留得詩人作釣翁

秋景小幅

烟碧帶霜紅秋深處處同晚晴山更好詩在野航中

先月樓

結樓臨水上風景問如何明月夜先到清光秋更多高
簷垂碧漢低檻俯金波想得憑空澗長吟復浩歌

梅花折枝圖

映水一枝開春從筆底來高樓謾吹笛終不點蒼苔

附戴奎詩

別弟文益往蜀省按察僉事文信

我家遷居自閩上傳世于今十有五源原始從五季來

子姓咸知立門戶儒賢術業每升堂雲路登躋亦聯武
石屏先生曾叔祖錦繡輪囷作肝腑平生蹤跡半江湖
只把文章傲珪組汝昔嚴君嗣冠裳金臺之上長翹翔
雄篇大字照玉署詩名遠播流錢塘邇來書聲雖比屋
愧我弟兄俱碌碌行看庭砌長芝蘭祇見蒼藤倚喬木
惟君伯氏振海東雲夢八九吞其胸春秋奧義盡剖劂
五傳同異工磨礲射策丹墀始擢桂拜官烏府俄乘驄
去年承恩入西蜀黃麻紫誥相追逐豈惟持斧懾凶邪

要使褰帷問民俗汝今為弟能念兄萬里行色何煢煢
瞿塘無復向時險劍閣試覽前賢銘成都魚肥酒正美
一奏壎箋可勝喜世間之樂此最真白璧黃金何足擬
當時勝迹紛在目想見追遊日不足浣花杜老或同吟
市肆君平時就卜武侯勲業誰可繼古柏森森見祠屋

發澄江述事言懷

憶昔歸隱東海頭矢心不逐羣兒遊結屋空山臥深雪
篝燈永夜吟清秋如此棲遲踰半紀自甘疏耦餘無求

長竿或從嚴瀨釣短筆肯效班生投海國紛紛擅豪右
五花驄馬千金裘一朝城邑化焦土肉食竟為何人謀
榮悴由來易反手諸君尚喜能包羞州司惜無涇渭辨
遷逐乃欲窮巖幽謇予貧病亦在遣矯首上訴嗟何由
陶令徒知解印早鍾儀奈作南冠囚呼天呼人兩無及
反躬祇益思愆尤唐君新作吾州守溫詞直欲紓人憂
為言今日百政舉詔書每為徵賢優築臺行從郭隗始
借箸欲藉張良籌梗楠匠石安肯弃參苓藥籠終俱收

浮梁側畔艤船待奮志好去無夷猶聞言錯愕惟掉首
智愚今古寧同流吞聲不發出城去澄江萬頃寒悠悠
緇塵上衣日黯黯飛雨灑面風颶颶迴頭却語二三子
故林為愛藏書樓趨朝乞身幸見許便擬散髮歸丹丘

留別胡叔輝先生

千山起伏如海濤中有萬八千丈天台高故人結屋隱
其下老氣直與山色爭摩霄平生不慕青紫拾放浪每
逐真仙遨歌詩有時落城府鏘然遺響如鳴韶嗟予遠

道廿載久羊腸九曲躋扳勞石梁回望不可躡思君幾
度心搖搖前年歸耕計始遂石田茶荳甘耘薅望君道
里尚三百聚首未得相招邀海隅詔令一朝布憧憧去
踴三吳路趨召初聞只貴豪竄逐旋知及寒素人言
珪組榮我歎儒冠誤親知日去眼何期與君遇皓髮同
驚亂後看青眼還如向時顧長鬚長鬚君一呼倒囊贈
我千金蚨金陵春色幾萬斛到時莫惜頻頻沽感茲厚
意心轉恧但願君今事耕鑿後來孫子知讀書勿慕前

賢學干祿

聞有汴京之行留別壽幙吳仲素

長淮南北知幾州壽陽還在淮西頭昔年此郡屢反覆
祗憐淮水惟東流版圖一朝歸上國亟為遺民救顛躡
掄材誰復歎賢勞入幕况聞優贊畫延陵季子千載名
今君秀拔真後生平生操履果何似朱絲絃直冰壺清
江南遷客多如雨老幼扶攜適茲土間關來就衽席安
慰勞已忘行役苦就中竄逐誰最貧石屏孫子林泉人

袖有文章賤如土
眼看甄釜空生塵
秋風一夜振林薄
毛骨蕭森歎非昨
千里雖殊驥尾蠅
此身却愧雞羣鶴
扁舟汴水行復汎
肝膽崢嶸向君露
人生離合不可期
青眼何時重相顧

賦西村耕隱

斯人好文仍好竒
酒酣索賦西村詩
解衣為君揮翰日
束書正我朝京時
吁嗟二人本同里
羃羃餘陰接桑梓
幾乘蠟屐蹋春泥
亦棹蘭舟泛秋水
君家實住小嶼西

山田日日催耕犁草廬年來臥不住致身却向黃金臺
當時青紫能拾取清夢只今成栩栩故國遙遮天姥雲
謫居同聽長淮雨鳳詔新從天上傳君應早晚能歸田
種柳重尋元亮宅說稼好誦坡翁篇錦囊多詩總如玉
更有遺金買黃犧扣角無為長夜歌掛書莫向旁人讀
予知有計不自謀硯田禾黍無時收何得西村一相遇
爛醉白酒黃雞秋

應朋來臨別索題存耕舊隱圖

憶昔百丈巖前遊泊船去登湖上樓天清野曠一凝望
錦屏森列當前頭中見蒼厓拔地起絕嶙嘉木連雲稠
穿篠回溪出僧宇參差危壑生懸流人言此地倘歸隱
布衣便欲輕公侯茆屋春深薜荔長石欄路遠叢篁幽
長鎗茯苓靜可斲空林柿葉寒仍收回頭世事忽如喟
廿年誤向紅塵裏不知何日繼追尋每憶此山勞夢寐
應君示我新畫圖開卷中堂起烟霧摩挲濃墨思舊經
却似登樓看山處君謂松根即故廬一榻左右俱圖書

沙田水足牛力壯歸耕試論今何如

賦竹坡

旁隣異花多遶屋慢紫妖紅眩人目如澑美酒花下傾
歌舞朝朝看不足君家美竹緣坡生蕭森却似貢筭谷
騷人墨客爭欵門好事日題詩一束山陰高致世詎知
旁隣舉手休挪揄顛風惡雨一夕至芳菲狼籍成嗟吁
此君節操祇自如雪霜縱遇那能欺幅巾藜丈久可傍
筆牀茶竈長相隨我記扁舟昔相過醉向沙頭竹根臥

君時宦遊閩海間竟日孤吟復誰和今同遠客心欲摧
舊徑蕪沒何時開春雨遙知子孫長秋風不報平安來
山堂忽聞詔許歸滿引竹葉歌竹枝到家截取一二管
請君持獻伶倫吹九苞彩鳳當來儀

贈別鄉友陳繼善王宗儒及表兄王友諒同赴
京議禮

蟄雷初動連月陰臨安客舍春草深披衣起踞木榻坐
竟日倒掩柴門吟誰能載酒問奇字敢擬乘興來山陰

諸君扣門忽剝啄何異空谷跫然音嗟予托交舊不薄
異縣相看客懷惡羈離雖幸一身存問答不知雙淚落
世間幾度卜非熊兵後何人憐屈蠖耕鉏有夢空涉春
獎勉多君尚如昨窮簷寂落風雨俱君來復別將焉如
龍飛九五萬物覩紫泥屢下徵賢書三千禮樂湏制作
奮衣徑謁承明廬人生窮達那自知君能論列湏及時
漢室仍傳賈董出虞廷再覩變龍趨書成志得未白首
錦袍相輝印懸肘此時題字倘相投我也滄浪一漁叟

送別陳嘉惠

我記昔遊章貢臺。臺前二水相盤迴。登臨適與形勝會。
放傲却使羣公猜。惟君傾益即相厚。結交便擬如陳雷。
江上時同夜月櫂。花前幾共春風杯。移船一向豫章泊。
風物蕭疏歎非昨。絡緯愁連孺子亭。梧桐秋滿滕王閣。
同遊豈無三數公。總為異鄉憐寂莫。君時唱和詩最多。
錯落驪珠千百索。江城十月霜葉飛。君先別我趨庭闈。
臨岐贈言曾未幾。東書我亦東。歸始信天涯俱是客。

客路聞言轉悽惻瑤琴古調且須彈官柳長條折何益

題潘氏禱雨有感詩卷

連歲浮淮去為客客裏無禾郊無麥盤飧豈欲待豐登
雨暘猶知望時若今年故鄉旱暵多我歸無麥還無禾
潘君禱龍雨輒應我聞兩脚醉拍船舷歌嗟哉老夫本
漁叟綠蓑飽臥烟波久中間出處亦偶然豐歉於身果
何有於今世途蜀道難觸眼倉廩連雲端倘得年豐租
賦足官府我雖愚者身能安潘君潘君藉爾力稼有秋

兮農有食衆因頌爾能感神我亦重君無德色曉來目送南征鴻因之為寄雙詩筒姓名到眼不相識隔隣好

問松溪翁

題錢舜舉所畫梅花卷

雪溪畫師名早傳畫梅不作鐵錢圈湖山入夢既瀟灑粉繪落紙尤清妍巴西故人玉堂老別去幾年音問少溪雲山月不堪持一枝寫寄春風早想當盤礴欲寫時寓情筆底誰能知心期不負歲寒意貞潔要如冰雪姿

到今令人嘆奇絕我亦見之慚蹇拙從誰交誼重金蘭
空慕廣平心似鐵

又送文益兼懷文信文善

天寒冀北野草黃騏驥空風吹鴻雁斷相失雲萬重人
生篤天倫所願出處同一朝異南北惆悵成飛蓬君不
見楊家椿津義讓敦千古共稱賢弟昆又不見淮南俗
夫良可鄙尺布之謠汙人耳爾今為弟孝友聞眼中清
白賢愚分恩兄不憚萬里遠世間骨肉徒紛紛陳爾殼

酌爾醴取樂何妨艤船待到時二子即相問予臥祇今
茆屋底羸軀不解事耕鉏弱子燈窗笑攻苦時時力疾
上高丘北望長淮淚如雨

與趙思晏賦來青樓雖作而不與

存耕道人過我遊不減雪中乘興舟浮雲世事口不掛
語語索賦來青樓樓中之人竒且偉肯使餘生在泥滓
春風石上鼓瑤琴夜雨燈前列圖史有時凭高一撫訖
汀煙沙鳥皆吾詩釣簾曉掛搏桑影釣絲晴胥珊瑚枝

方壺蓬島誰解識。霧散雲開翠如織。山勢疑將度海來。
嵐光屢見排簷入。問誰于此賦詩頻。哦松大筆尤清新。
石門老翁扳桂手。湖山處士吟梅人。嗟予臥疴筆研廢。
欲作歌詩動經歲。神遊意想一語無幾回。虛作憑欄勢。
吾聞仙人好樓居。時能御風遊。六虛爾今凡骨倘未換。
大藥好乞刀圭餘。不然買魚仍釀米。樓頭日與賓朋集。
坐令青眼客長來。不獨來青見山色。

陳楚賓邀登南閣出示諸公所賦詩索予繼和

憶別高堂凡五載今日重遊鬢毛改長老驚為倒履迎
林園却似留春待松間舊榻下陳蕃席上清樽傾北海
是日雲銷天宇清大開南閣興縱橫鈎簾晚峰萬樹出
俯檻晴塢千花明少長湏吏亦星聚歌吟間作如韶鳴
乃知此地即仙隱萬里何必求蓬瀛

舍姪元明書來致當道薦拔意詩以答之

郡國衣冠此日新老懷深念竹林人客邊風雨十年夢
醉後乾坤萬里春雲路尚淹麟閣遠秋天空薦鶲書頻

不癡濟叔勞推賞奈戀烟波理釣緝

遷逐甫還次韻答舍弟文信

萬里輿圖新入貢一時遺老復遷官祇緣舊國輕周鼎
徒使仙人泣漢盤斤斧未容遺樸檄階庭誰見長芝蘭
野夫獨幸歸耕早只恐鄉關路轉難

又

舊事紛紜成昔夢餘生竄逐誤微官一年道路危三峽
幾度歌吟歷五盤甄別有恩垂藻鑑芬芳無德播椒蘭

逢人但說生還喜莫問從前事急難

臨安道中別弟文美

拂袖歸來我最先相期耕釣在餘年無端遇著東風惡
吹上長淮逐客船

三淮浪急大江迴幾處驚如灔澦堆我正思家行欲到
汝今那更別家來

酒盡沙頭淚滿裾臨當別去更躊躇都忘我為儒冠誤
更囑還家課子書

高陽窺園有感

橘柚連雲手自裁
別來誰復為封培
棘籬缺處秋偏早
時有隣童摘實來

幾畦蔬甲一長鎌
記得年前草自芟
今日滿林荆棘長
令人千里望歸帆

夜宿水館

驚雁相呼秋滿江
小軒臨水似舴艋
夜闌不寐思兄弟
風葉蕭蕭正打窗

立秋夜涇川館中雜興兼懷舍弟

薄暮西風生樹頭坐看涼氣近人浮一年今日纔過半

梧葉蕭蕭已厭秋

嘗稻有懷舍弟

曉起西風忽到門刺炊香雪滿甕盆懷人獨向嘗新處
含哺移時不忍吞

幾欲因書寄土宜溪雲山靄不堪持力田未足輸官府
念爾徒搔兩鬢絲

秋夜述懷

霜氣橫秋萬木彫
月櫺風牖夜蕭蕭
在家無限悲秋思
况爾別家千里遙

其二

欲憑詩句寄西風
吟到宵深語未工
月色如銀庭樹冷
一絲和露墜青蟲

寄衣無便

秋風昨夜振庭柯
欲寄衣裘無便過
料汝羈愁如落葉

蕭騷偏逐晚風多

一秋無舍弟手書

老懷多藉得書寬
幾度挑燈入夜看
想為眵昏憐病目
一秋無字報平安

題錢舜舉所畫梅花卷

戴養吾

千古懷人費夢思
殷勤卷贈歲寒枝
錢塘江上花如雪
不耐東風盡角吹

石倉歷代詩選卷三百九

欽定四庫全書

石倉歷代詩選卷三百十

明 曹學佺 編

明詩初集三十

藍仁

宿瑞巖寺

再宿東山寺前遊四十年風塵凡幾變衣法已三傳竹
逕消殘雪松門隱暮烟虎溪送客處尚憶遠公禪

寄余復嬰

道士清溪住扁舟久未回井垂霜後橘門掩雨前苔見
鷗長相候魚書杳不來虹橋他日宴又負紫霞杯

人日偶成

七日本宜晴愁人風雨聲厨烟侵几濕簷瀑隔窗鳴楊
柳顰何事梅花笑不成呼兒催酌酒一醉百憂輕

代毛生答

浮世容身狹韶光過眼非瓦盆盛社酒槲葉製秋衣禮

樂休拘束漁樵乞放歸前林逐麋鹿未與素心違

經趙師節故居

五畝城邊宅過門憶徃年病拋詩社卷貧索酒家錢故道能追轍新聲不改絃鹿門秋月色長照德公阡

寄李孟和

同學朝冠士投簪幾日歸里中朱紱少世上白頭稀隴黍登新酒池荷足故衣夕陽天際鳥還向北林飛

題周子冶先世聽雨堂卷

蕭颯階前雨高堂坐夜深聲聲羈客耳滴滴故鄉心池
草難成夢燈花伴苦吟西風慙無賴更送遠鴻音

寫懷

門戶艱難久田園寂寞多有兒長遠出無酒可高歌晚
景依松菊秋風襲芰荷平生耕學志到此兩蹉跎

其二

辛苦憐愚子他鄉久滯留斑衣頻入夢白髮更多愁汀
樹寒聲早離花晚色幽重陽一杯酒歸趣故園秋

春日

陋巷斷人行柴門不用扃衰年柏酒綠春日菜盤青強
飲隣翁對長歌稚子聽午窗閒試墨只寫相牛經

閒詠

衰病身為累窮愁歲又除枕干隣境靜卜宅遠村居海
舶追編戶山田責薄書有兒長不暇休問過庭疎

其二

散步尋詩社驅愁借酒兵雪寒松不改烟暖草微榮已

卜槃中隱休傳谷口耕素琴將在手得趣自希聲

題伯穎雲林茆屋圖

中林避世士茆屋一間雲雨笠尋芝采晴窗究曲墳竹
深羊仲至瓜熟邵平分但有卑棲處長隨鹿豕羣

秋江待渡

野水蒼茫夕雲山慘淡秋暫停征路策遙喚隔溪舟茆
店關門早僧鐘出寺幽衰年懷遠道禁得暮歸愁

偶成

有力皆從戎無資亦轉官明時同際遇老境自艱難地
遠春多瘴林深晚更寒瀼西禾未得牛瘦稻畦乾

題吳德暘山水小景

雲山分遠近水石助清幽老眼看名畫深懷似故丘草
迷行鶴逕藤引釣魚舟賣藥忘機者無人識伯休

送程志玄入山

西山入武夷峰轉路逶迤月下驛黃鶴風前歌紫芝石
泉宜洗耳丹竈遠尋師老我空慙汝塵埃未有期

次雲松訪復嬰宿萬年宮

聞道神仙叩洞門清溪古木路斜分桃花滿地飛紅雨
橘樹高崖漲綠雲講罷先天烟篆冷夢回斜月玉笙聞
高秋也欲扶衰病共候山中白馬君

擬登武夷昇真不果

三十六年懷此山重來白髮換朱顏庭栽松樹參天長
舟逐桃花失路還人世又經滄海淺仙家長與白雲閒
丹爐尚許尋餘藥蛻骨蒼崖翠壁間

病起偶成

春來春去太多多九十光陰臥病中緩步也愁平地險
加餐不與舊年同生憎野草侵人綠可惜殘花過眼空
昨日隣家偶相值不知何處一衰翁

適南峯寺

杖藜驚起鹿麋羣古寺尋幽日乍曛山澗雪添三尺水
竹房僧借半間雲林深已覺嵐光重市遠都忘俗事紛
鬢鬚廬山還栗里過橋疑有虎聲聞

九日西莊懷弟

衰年無力遠登臨
短杖扶持叩竹扁
雨過林間雙澗碧
雲消天際一峯青
黃花寂寥憎詩瘦
白髮淒涼畏酒醒
心把茱萸思骨肉
雁聲孤起夕陽汀

擬時事經故居

世事浮雲變換多
歸耕仍覓舊烟蓑
城邊老屋他人住
溪上荒園此日過
社燕已非尋主入
林鶯還是為誰歌
角巾喜有隣翁在
閒與庭前盼樹柯

書懷呈時中

詩書耕稼趣難忘
訓子呼孫也自忙
盡日不談當世事
衰年還寫養生方
菜羹蔬食時偏爽
莞席藤衾夢更長
近喜鄰居彭處士
休官相伴老柴桑

追懷天壺舊遊用前韻

天壺不似在人寰
湧翠飛流面面寒
石逕似梯同鳥上
洞門無鎖有猿看
何年瑤草尋金磽
舊日仙桃捧玉盤
宴罷流霞分手後
獨因高興更憑欄

懷張兼善

社酒醒來曾送客
秋山望斷未還家
雨聲門巷瀟瀟葉
霜信園林采采花
念我草堂初伐木
候君松逕自煎茶
角巾藜杖隨詩興
十里青山日未斜

贈吳彥敬

卜居何論買山錢
喜有南隣二仲賢
門徑新開初種竹
池塘分斷半栽蓮
客來酒缶牆頭過
兒學書籤架上懸
况是世交同繼業
林間猿鳥倍欣然

贈薛鍊師

汪月閒先居西山數年後往金蟾峰解化有識云
三十年後吾當重來相見故及之

長年何處得真傳徑入名山住十年共說墨符能役鬼
又叅丹訣擬神仙吹簫坐久雲生石鍊藥眠遲月滿天
我亦願遊方外者安期應笑早華顛

次韻雲松西山春遊

摩挲老眼倦編蒲雨過山窗兀坐孤松帶浮雲張翠蓋

草承殘露綴明珠鳥鳴轉覺林塘靜花發方知節候殊
張籍題詩工古澹愛來同賦輞川圖

催黃仲文寄南山別墅圖

一段南山畫不成王維天趣與經營水清磐石思垂釣
花落空村見偶耕青嶂白雲仙掌迥淡烟疎雨輞川明
欲催下筆留真迹先許題詩助有聲

寄雲松

雲松隱者巢居處上有屏山下藉溪花逕夕陽眼鹿豕

釣磯春雨集鳬鷺十年種木春林遠萬卷藏書草屋低
久欲相從叩羲畫負苓長徃碧巖西

紙被

採得仙巖不老藤蒸雲煮雪揭輕氷光浮一片昆山玉
煖壓三冬內府綾衣被生靈真有道卷舒明晦亦堪徵
衰年朽骨寒尤甚自擁蒙頭到日升

寄林信夫

一官江北佐鳴絃消息時因過客傳不信阮生悲失路

自甘陶令賦歸田
榕窗茶熟烟棲屋
荔浦帆歸月在船
憶昔過門慚二仲
蒼蒼風景舊山川

九日書懷寄余復嬰

自摘黃花泛石泉
南山對我興悠然
功名不是平生事
詩酒難忘未死年
更老定知形似鶴
苦吟方鍊骨成仙
武夷九曲秋風裏
一嘯洪崖共拍肩

賦網巾

白頭難掩雪霜蹤
纖手穿成絡索同
暎帶暮年徵雙鬢

遮藏秋色久蓬鬆牽絲祇訝蛛臨戶覽鏡翻慚鶴在籠
便與黃花相見好寧愁破帽落西風

代題六朝遺秀圖

石頭城下轉孤蓬滿眼興亡六代宮吳晉山川非舊國
宋齊陵墓但秋風犧牲不入諸天界花月高歌永夜中
欲問漁翁渾不識年年江上蓼花紅

挽雪舟鍊師

三年屢報枉柴門一日俄傳起土墳棺舉空衣無弟子

匣藏遺劍有諸孫鑑湖一曲秋風興庾嶺千枝夜月魂
化鶴縱歸華表上人民城郭更堪言

題秋山訪隱圖

草堂間有故人尋野店山橋轉石林眇眇白雲行逕遠
蕭蕭黃葉閉門深脫巾自漉牀頭酒賣藥新修壁上琴
世事匆匆良會少一宵論盡十年心

寄明之弟

秋風長作客南望一沾巾茆屋生春草歸來相對貧

南村

亂來村野幾家全
近長丁男亦戍
邊辦得軍裝牛已賣
門前荒草是官田

除夜憶小兒泊峽口

除夜孤燈對短蓬
浮生元不定西東
斷猿何處驚殘夢
風雨瀟瀟宿峽中

滁州作

移根巖壑帶風烟
千丈干霄野老傳
莫向長安城下種

王孫只擲買花錢

秋山道中

門前虎跡山家曉
林杪猿聲客路秋
古木寒烟孤戍近
小橋流水數村幽

重賦紙帳

數幅秋藤拂地齊
匡牀閒對竹爐低
山中一枕梅花月
不識雞聲送馬蹄

次韻雲松雨中書懷

雲深不見樹頭山偶對朝暉一破顏處處林塘春水滿
此心猶愧白鷗閒

其二

蓬蒿不剪藥畦荒午夢醒來草滿堂幾樹幽花都落盡
祇因風雨妬年光

其三

生涯谷口子真田詩興門前阿對泉不信老年無一事
夕陽窗下理殘篇

書懷

世事春冰漸漸消不知今日有明朝留連老景尋詩卷

料理衰顏種藥苗

贈雲壑

望水尋山不憚遙白雲紅樹喜相招夢回茆屋瀟瀟雨
又得留君住一宵

病中

朽骨不禁風露冷衰容更畏雪霜繁呼兒欲問春深淺

柳絮梨花已滿園

其二

暖日茆簷病骨輕杖藜徐起踏青行一聲似曲穿花過
何處飛來谷口鶯

題小幅雪景

湖邊倒樹玉為槎樹底茆簷路半斜飢鶴翅寒飛不去
伴人閒立看梅花

題荷池白鷺

西風雨過藕花稀湛湛池波見雪衣老眼不知元是畫
移筇欲近畏驚飛

黃仲文寄墨竹

一幅飛鷺寫輞川高情相許已三年春風傳得平安報
剪與淇園半畝烟

石倉歷代詩選卷三百十